

p. 125 line -5【善惡來迎】《傳通記》：「此品人命欲終時。由眾惡故獄火雖現。由後善故化佛來迎。蓋顯大乘妙術。速轉惡成善義耳。善惡來迎者。惡業強故。其命未終。苦相先現。如俱舍云：『由彼惡業勢力增強。不待命終。苦相已至。先受現受。後受生受。(T29, p. 45, b10-12)』是名惡來迎。一念稱名功力妙故。命雖未終。聖眾先現。由彼善業勢力增強。不待命終。樂相已至。先受現受。後受生受。是名善來迎。此乃彌陀願力勝用難思。轉苦得樂在於反掌。善惡業力灼然可見。」～本會版 p. 921

p. 125 line -4【獄火來現】《傳通記》：「靈芝云：地獄眾火即鑊湯鑪炭鎔銅鐵丸等。天台云：火車相現。即火輪也。因中果相。自心中業。正觀記云：火即是一。隨器不同。故云眾也。天台云者。別傳曰：垂滅之時。則令門人唱無量壽經題。顧大眾曰。四十八願莊嚴淨土。華池寶樹易往無人。火車相現。一念改悔尚得往生。況戒定熏修等。自心業者。善惡因果全是自心。更非他法。」～本會版 p. 922

p. 125 line -4【彌陀功德】《經》：讚說阿彌陀佛十力威德，廣讚彼佛光明神力，亦讚戒定慧解脫解脫知見。《傳通記》：「戒度云：初十力。天台云。通名力者。即諸佛所得如實智用。通達一切。了了分明。無能壞、無能勝。故名力也。大菩薩亦分得此力。但比佛小劣。不受其名。五分上三屬因。戒禁業非。定止散亂。慧破昏惑。由因取果。即得解脫。天台云。解脫即是涅槃之門。行者得入涅槃。故名解脫。佛地論云。前三是因。後二是果。由慧斷惑。惑無之處名解脫。出纏破障。反照自心。名解脫知見。」～本會版 p. 923 慧遠《大乘義章》卷二十本，佛之自體所具備之五種功德，即：(一)戒身，指如來之身、口、意三業遠離一切過非之戒法身。(二)定身，謂如來之真心寂靜，自性不動，遠離一切妄念，稱為定法身。(三)慧身，謂如來之真心體明，自性無闇，觀達法性，稱為慧法身，即指根本智。(四)解脫身，謂如來之自體無累，解脫一切繫縛，稱為解脫法身。(五)解脫知見身，謂證知自體本來無染，已實解脫，稱為解脫知見法身。～《佛光大辭典》

p. 125 line -3【聞彌陀名號】《傳通記》：「問：經云聞說十力光明五分法身。何云名號？答：準知上下。此品之人亦念佛名。況乎知識亦說彌陀佛。故十力、五分法身。唯是名號所有功德。加之善友廣說光明神力。光明即是名號

功德。何聞其德。不念名號？……問：當品念佛為唯意念。為亦口稱？答：此亦口稱。」～本會版 p. 924

p. 125 line -3【除罪多劫】《經》：除八十億劫生死之罪。《傳通記》：「群疑論六云。問曰：何故觀經說下品上生。至心稱佛滅五十億劫生死之罪。下品中生聞佛功德。下品下生稱彼佛名。俱滅八十億劫生死之罪。何為同念一佛。功德不殊。滅彼罪愆少多有異也？釋曰：此有二意：一釋言。一念佛功德齊。理應滅罪無別。但以三品罪人惡業有其多少。下品上生罪少。唯有五十億劫之罪。障生西方。下二品人罪漸多故。有八十億劫等罪。為彼罪有階降。說滅多少不同。非是念佛功德殊。令其滅罪差別（此下有壯士負米之譬）。二釋言。念佛名號雖復不殊。由念佛心至誠差別。故令滅罪多少不同。下品上生罪業輕薄。死無惡相。怖心不極。雖至誠念佛。但能滅彼五十億劫生死之罪。下品中生地獄猛火一時俱至。罪人忙怖。念佛至誠。由心徹到。滅除八十億劫重罪。問：若然者。下品下生忙怖最重。應言念佛更滅多億。何故同前八十億劫？答：行者命終時。其氣力虛微。盡力至誠只至於此。力有分齊。豈能多耶。以罪既多。障生淨土。令具十念。滅罪方同。始得往生清淨佛土。（此下有神劍斬木之譬）」～本會版 p. 925-26

p. 125 line -3【罪滅火變】戒度《觀經義疏正觀記》卷 3：「聞法中。境隨心變者。心生法生。心滅法滅。當知猛火、涼風皆由心具。一念惡。則涼風即猛火。一念善。則猛火即涼風。所謂要在心垢淨。取證如反掌也。後益中。亦由因中聞說彌陀十力等法。為大乘種。至彼復聞二聖開導。故能即發大道心也。」(X22, p. 417, b2-6)

p. 126 line 2【梵聲】又作梵音。大梵天王修習禪定，戒行清淨，心離欲染，故能具此五種清淨之音，即正直、和雅、清徹、深滿、周遍遠聞。如來之梵音，佛三十二相之一。如來有六十四種梵音，具有六十四種清淨殊妙之相。此乃佛於因位時，無量世中不惡口、說實言美語、教善語、不謗正法，所感得之妙相。即表示令聞者隨其器得益，皆生善心無雜亂，大小權實皆能解了，斷惑消疑，而常欲聞愛樂之德。～《佛光大辭典》

p. 126 line 5【如此愚人】下品三人皆有此一詞，下生更有二處。上生者，佛

迎時尚有讚言：「善男子，稱名滅罪」，中、下二生則皆無有讚言。上、中二生皆見化佛菩薩來迎，下生則只見金蓮華，此乃障重故。

p. 126 line -1【具造】《傳通記》：「此人非唯造作五逆。亦造十惡。故云具造。是以經云。五逆十惡具諸不善。」～本會版p. 929

p. 126 line -1【五逆】【同類五逆】一、犯母與無學之比丘尼，是殺母罪之同類。二、殺入定中之菩薩，是殺父罪之同類。三、殺有學之聖者，是殺羅漢罪之同類。羅漢者，無學之聖者也。四、奪僧眾成和合之緣，不使和合之事成，是破僧罪之同類。五、破佛之窣堵波（塔），是出佛身血之同類。俱含論十八曰：「同類者何？頌曰：汙母無學尼，殺住定菩薩，及有學聖者，奪僧和合緣，破壞窣堵波，是無間同類。」【五逆輕重】大乘義章七曰：「殺父最輕，殺母次重，殺阿羅漢次重，出佛身血次重，破和合僧最重。故成實云破僧最重。」～《佛學大辭典》理由：德田勝恩田，德田能拔有情生死苦故。就德田三中破僧最重，害法身故，諸佛所師所謂法也。次出佛身血罪重，以佛功德勝阿羅漢故，又是師故。於德田中，前德多故罪重。就恩田二種中，父恩少母，母懷長養，慈恩多故，故母重父輕。～《傳通記》p. 931

p. 127 line 6【四十八願中】第十八「十念必生願」：我作佛時，十方眾生，聞我名號，至心信樂。所有善根，心心回向，願生我國。乃至十念，若不生者，不取正覺。唯除五逆，誹謗正法。

p. 127 line 6【仰就抑止】《傳通記》：抑謂遮抑，止謂止息。對未造罪方便言除，是抑止義。教門難測，仰圖佛意，故名為仰。抑止、攝取並屬釋迦。文云：如來方便止言不得往生故。釋迦護未造機。欲息逆謗。加方便言。若法藏語者。可在邀誓內。說大經時未有逆者。如來方便偏說唯除。說觀經時闍世造逆。如來大悲偏說攝取。故無有失。～本會版p. 933-34《釋淨土群疑論》卷3：「古今大德釋此兩經。有十五家。共解此教。一觀經取者。是懺悔人。壽經除者。是不懺悔人。二觀經取者。是輕心造逆人。壽經除者。是重心造逆人。三觀經取者。唯是造五逆人。壽經除者是造五逆及謗法人。四觀經取者。是造逆類人。壽經除者。正五逆人。五觀經取者。是發菩提心人。壽經除者。是不發菩提心人。六觀經取者。是至誠念阿彌陀佛人。壽經除者。是不至誠念阿彌陀佛人。」

七觀經取者。是十信菩薩人。壽經除者。非十信菩薩人。八觀經取者。非闍提人。壽經除者。是闍提人。九觀經取者。是對已造逆人。壽經除者。是對未造逆人。十觀經取者。是開門。壽經除者。是遮門。十一觀經取者。說五逆業是不定業為可轉時。壽經除者。說五逆業是定業不可轉時。十二觀經取者。暖頂位人。壽經除者。非暖頂位人。十三觀經取者。種解脫分善根人。壽經除者。是不種解脫分善根人。十四觀經取者。是第二階人。壽經除者。是第三階人。十五觀經取者。是唯具足十念人。壽經除者。是通具足十念及不具足十念人。……若不造逆人。論念之多少。一聲十聲俱生淨土。如其造逆。必須滿十。闕一不生。故言除也。此即不造逆者。不限十聲。若少若多。俱生淨土。造逆之輩。即不得然。滿十即得生。少便不往。此乃由此說除。不關諸義也。」

(T47, p. 43, c17-p. 44, b1)

p. 127 line -3【三種障、如比丘入三禪樂】邊地疑城、胎生者之障：如《佛說無量壽經》卷2：「於五百歲中常不見佛、不聞經法、不見菩薩諸聲聞眾，無由供養於佛、不知菩薩法式、不得修習功德。」(T12, p. 278, b7-10)《傳通記》：「問：大經云：其胎生者。受諸快樂如忉利天上。平等覺經、大阿彌陀經亦同此說。何不依此。轉用他經？答：穢土快樂極在三禪。故引而類。」~本會版p. 936《大智度論》卷99〈曇無竭品 89〉：「薩陀波崙見曇無竭，即得清淨歡喜，樂遍其身，如比丘入於三禪。所以者何？多欲眾生，雖非淨妙，得猶喜樂，何況得見真功德莊嚴身者！…問曰：樂有四種，何以但說第三禪樂，而不說上地定樂及解脫樂？答曰：以欲界眾生，於三受中多貪樂受。聞涅槃樂無所有，則心不樂喜；以上四禪中斷苦樂故，心亦不樂；第三禪中樂，樂之極。復有人言：薩陀波崙新發意，未入細深妙定故，見曇無竭發大歡喜，似如三禪樂。薩陀波崙自覺我大歡喜故，即時捨喜，得清淨法性，遍身安樂，是故以三禪樂為喻。」

(T25, p. 750, a25-b16)

p. 128 line 2【無由得念佛名】《經》：「是人苦逼，不遑念佛。」慧遠《觀無量壽經義疏》卷1：「遑，猶暇也。無暇念佛故曰不遑。」(T37, p. 186, a10-11)靈芝元照《義疏》亦同。《釋淨土群疑論》卷7：「故觀經言。是人苦逼。不遑念佛。善友教令。可稱阿彌陀佛。如是至心。令聲不絕。豈非苦惱所逼，念想難成。令聲不絕，至心便得。今此出聲學念佛定。亦復如是。令聲不絕。遂

得三昧。見佛聖眾。皎然常在目前。」(T47, p. 76, b26-c1)《靈峰蕩益大師宗論》卷3：「問：如子憶母，必想儀容。今但念聲相續，不取相貌，易馳散否？或依出入諸息，得非小乘法邪？答：子之憶母，或善想儀容，或呼號血淚。觀經云，彼人苦逼，不違念佛(此指觀想)。善友教言，汝若不能念彼佛者，應稱無量壽佛(此指稱名)。夫三界無非劇苦，何止臨命終時。以畏苦心呼號求救，馳散何從。否則攝心調息諸法，亦自不惡。圓人受法，無法不圓，豈有定屬小乘者。試問記珠、定香、鳴魚、擊磬等，大乘邪？小乘邪？」(J36, p. 300, a18-24)

p. 128 line 2【念數多少】《傳通記》：感師云：如其造逆必須滿十，闕一不生。復有義，一念攝逆。願成就云：乃至一念即得往生。若依攝取，一念攝逆，其義分明。天台疏釋下下品云：善心相續，至於十念，或一念成就，即得往生。~本會版 p. 938-39《無量壽經會集本》：「若有眾生住大乘者，以清淨心，向無量壽。乃至十念，願生其國。聞甚深法，即生信解。乃至獲得一念淨心，發一念心念於彼佛。此人臨命終時，如在夢中，見阿彌陀佛，定生彼國，得不退轉無上菩提。」智者《淨土十疑論》卷1：「但使眾生淨土業成者，臨終在定之心，即是淨土受生之心；動念即是生淨土時。為此，《觀經》云：『彌陀佛國去此不遠。』又業力不可思議，一念即得生彼，不須愁遠。」(T47, p. 80, b11-14)《無量壽經起信論》卷3：「首言一念至心迴向。即得往生。行者誠能於一念信入。何須更論種種功勳。一切眾生流浪生死。惟此一念。更無二念。乃至發真歸元。成等正覺。惟此一念。亦無二念。大智度論云。行般若波羅蜜者。一念中能散十方一切如恒河沙等三千大千世界大地諸山微塵。一念之力。不可思議。如是念佛。即念是佛。即佛是心。非內非外。無縛無脫。盡山河大地十方虛空。無一芥子許不是無量壽佛現身說法處。乃至離即離非。頓入如來大光明藏。…知持名一法。最為簡要。行者初發心時。貴有定課。每日或千聲。或萬聲。或十萬聲。從少至多。由散入定。隨其念力。俱可往生。…聞名雖獲利益。然未得往生。終非究竟。以生死未斷故。何如一念往生。直超三界。其為利益。孰可比倫。問：觀經下品。俱係生時積惡。末後回心。此云唯除五逆謗法。何以不同？答：如實回心。一念念佛。無不往生。以佛本願力故。但恐障深罪重。善友難逢。信願難發。日光皓皓。不照生盲。恒河滔滔。難消渴鬼。是可懼也。」(X22, p. 130, c6-p. 132, c1)

p. 128 line 3【除罪多劫、金華來應】《傳通記》：問：今滅罪者。為滅業體？為滅業用？答：除牽果用。不滅業體。群疑論中不滅種子即其意也。此之業體。至斷惑時方能滅盡。惡逆之人雖有業體。依念佛力故。除滅繫縛用。不生惡趣。方生淨土。【金蓮華】此品與上品下生皆見金蓮華(p.115)，有無不同？群疑論卷七云：一釋云。此非往生人華也，或是來迎佛所乘華也。其人障重，不感見佛，但見佛座，猶不分明，猶如日輪朦朧似觀也。一釋云。此是坐花。雖同是金華，大小勝劣、莊嚴龐妙，自分二品蓮異，何妨亦有差殊也。~本會版p. 940

p. 128 line 6【甚深妙法】元照《觀經義疏》卷3：「諸法實相除滅罪法 罪從緣生。無有自性。諸法皆爾。故名實相。普賢行法云：一切業障海。皆從妄想生。若欲懺悔者。端坐念實相。是也。」(T37, p. 304, b24-27)《釋淨土群疑論》卷7：「問曰：觀經言。下品下生十聲念佛。於念念中滅八十億劫生死之罪。罪既滅除。何故華開已後，觀世音菩薩為說實相、除滅罪法耶？若有罪可除者。何因不障生淨土而得往生耶？釋曰：此有微細障未盡。故經說除也。然罪障微劣。念佛善強。乘佛威神。不妨得生淨土。以彼罪人造眾重罪。業勢力能感惡道。受苦無窮。然由念佛功德善根。消彼重殃感果勢力。不能牽引惡趣受生。然念佛行龐。細障猶在。故華開已後。遇彼二尊為說甚深諸法實相。其人方能觀法身佛。境智微細。始能除彼微細業障罪種功能。故言為說諸法實相除滅罪也。」(T47, p. 72, b8-20)《傳通記》：此品障即有三重：一往生障，十念即滅。二見佛障，經劫償之。滿十二大劫，蓮華方開。三發心障，聞法即除。

p. 128 line -4【三華障重開多劫】《集諸經禮懺儀》卷2：「化佛菩薩尋聲到，一念傾心入寶蓮；三業障重開多劫，于時始發菩提因。」(T47, p. 473, b24-25)《往生禮讚偈》卷1：「三華障重開多劫」(T47, p. 446, c18)《傳通記》：「三業障重者。十惡五逆不出三業。故結三業。或本云『三華』。各有其理。中輩讚云。三品蓮開(p.121)。正與此同。」~本會版p. 943

p. 128 line -4【於時始發菩提因】《經》：「發無上道心」、「應時即發無上道心」、「應時即發菩提之心」。《疏》：下品三人是遇惡凡夫。以惡業故。臨終藉善。乘佛願力。乃得往生。到彼華開。方始發心。何得言是始學大乘人也？(p.12)依經文判斷：下三品人於蓮華中的時日(49日、6、12大劫)，亦是修行斷障，故能花開而聞法、應時發心(同別教初住斷見惑之菩薩)。